

1001 Masalah

Abu Al-Mukhtar Sedia Menjawab



Ahmadiyyah dan Muhammadiyyah

Umar Kadim, Jalan Mahmudiyyah, Johor Baharu bertanya:

- (1) Apakah perbezaannya di antara pertubuhan agama Ahmadiyyah dan Muhammadiyyah?
- (2) Adakah di antara kedua-dua pertubuhan itu berpegang keempat-empat dasar keislaman iaitu Quran, hadis, ijmak dan qiyas?
- (3) Adakah sesat hukumnya seseorang Islam itu :

Jika memasuki salah satu pertubuhan-pertubuhan agama yang tersebut itu?

Jawab: untuk menjawab pertanyaan ini maka rasa akan terjawab ketiga-tiga pertanyaan itu sekiranya dibentangkan lebih dahulu dengan terang siapakah Muhammadiyyah dan siapakah pula Ahmadiyyah.

Muhammadiyyah pada mulanya ialah sebuah pertubuhan agama Islam yang didirikan oleh almarhum Haji Ahmad Dahlan, seorang ulama yang terkemuka di bumi Jogjakarta, Jawa Tengah. Jasa Muhammadiyyah sangat besar di dalam perkembangan Islam di Indonesia, terutamanya di Pulau Jawa kerana pada masa itu, terutamanya di Jawa Tengah, keadaan pelajaran Islam sangat menyedihkan. Mereka bekerja tidak di dalam lapangan siasah tetapi berusaha di dalam lapangan pelajaran dan pendidikan kerana itu maka di sana sini banyaklah sekolah-sekolah yang didirikan mereka dengan jalan berkorban dan bergotong-royong. Tiap-tiap seseorang anggota Muhammadiyyah hendaklah tiap-tiap kali bertanak nasi mengambil segenggam daripada beras yang ditanaknya untuk usaha menjaga kewajipan agamanya itu sehingga akhirnya dapat dilihat hingga sekarang

di seluruh Indonesia ada sekolah Muhammadiyyah yang terus-menerus dijalankan dan diusahakan.

Dasar pegangan mereka adalah pengikut-pengikut ...¹ yang disebut *ittibā‘ al-Sunnah*. Mereka berpegang terus kepada ajaran-ajaran al-Qur‘ān dan al-Sunnah dan di mana-mana yang tidak ada keterangan di dalam perkara-perkara yang didapati daripada al-Qur‘ān dan al-Sunnah (al-Hadīth) maka mereka memakai ijmak sahabat dan sekiranya ada perkara-perkara yang perlu kepada qiyas maka mereka memegang qiyas.

Di dalam perkara ibadat, mereka memandang Rasulullah *sallā Allāh ‘alayhi wa sallam* telah cukup menyempurnakan dan mengajar tentang itu. Sebab itu tentang ibadat mereka berpegang terus kepada yang diajarkan oleh Rasulullah *sallā Allāh ‘alayhi wa sallam*. Mereka menghormati pendapat imam-imam mazhab tetapi mereka tidak mengikat diri kepada satu-satu mazhab.

Iktikad mereka adalah mengesakan Allah *Subhānahu wa Ta ‘ālā* dan beriman kepada rukun Islam dan rukun iman. Mengakui bahawa tidak ada nabi sesudah junjungan kita Muhammad *sallā Allāh ‘alayhi wa sallam*.

Mereka tidak meninggalkan masjid-masjid dan mereka bersembahyang berjemaah di belakang imam-imam daripada imam-imam yang berfaham kepada mazhab-mazhab sama ada di dalam sembahyang waktu ataupun Jumaat. Pegangan mereka yang tegas sekali bahawa mereka tidak mau adanya tambahan-tambahan di dalam perkara peribadatan – mereka berpendapat tidak ada haq menambah atau mengurangi (di dalam ibadat) seperti yang telah ditunjukkan oleh Rasul Allah *sallā Allāh ‘alayhi wa sallam*. Tetapi di dalam perkara-perkara yang tidak ada atau di dalam perkara yang belum pernah terjadi dalam masa Nabi seperti dengan adanya kapal terbang jet yang sebegini laju, dan bagaimana mesti sembahyang di dalamnya maka soal yang seperti ini adalah memerlukan kepada qiyas – dan diperlukan kepadanya pendapat-pendapat imam yang empat sebagai bahan qiyas seperti umpamanya bagaimana sembahyang di atas pokok yang boleh diciyaskan kedudukannya umpamanya. Bolehkah

¹ Teks asal tidak jelas.

disamakan seperti kapal terbang?

Ringkasnya mereka berpendapat bahawa di dalam segala sesuatu hendaklah berbalik kepada kitab Allah dan al-Sunnah.

Perselisihan di antara mereka dengan orang-orang yang bermazhab hanyalah di dalam perkara-perkara furuk tetapi yang mengenai dasar adalah sama. Perselisihan itu adalah hampir-hampir serupa di atas perselisihan di antara perselisihan pendapat di antara imam-imam yang empat, Mālik, Abū Ḥanīfah, Shāfi‘ī dan Ahmad bin Ḥanbal.

Seyoga disebut bahawa perkara-perkara yang telah menjadikan ribut di antara kita sesama kita ini tidak lain kerana setengah-setengah pemimpin yang kurang mendalam pengetahuannya terus bangun memandang rendah kepada orang lain, bahkan ada setengahnya yang berterang mencabar pengetahuan Imām al-Shāfi‘ī dan lain-lainnya. Semua ini menyakitkan kepada orang lain apalagi tidak putus-putusnya bid’ah-membid’ahkan di antara satu dengan yang lain. Mereka lupa membawa cara yang bijaksana. Dengan cara bijaksana itulah dapat diikat persatuan dan dapat diikat bersefahaman dan bekerjasama di antara satu dengan lain.

Ahmadiyyah:

Sekarang marilah kita periksa siapakah Ahmadiyyah itu. Ahmadiyyah itu satu pertubuhan yang didirikan pada tahun 1890 oleh seorang Punjabi bernama Mirza Ghulam Ahmad, bertempat di Qadian, Lahore, Punjab, India.

Lafaz Ahmadiyyah itu, jika diambilnya daripada nama Ghulam Ahmad itu tidaklah dihiraukan orang, tetapi nama itu, kata mereka, adalah nisbah kepada Nabi Muhammad *sallā Allāh ‘alayhi wa sallam*, kerana salah satu daripada nama Nabi kita itu ialah Ahmad.

Mereka (orang Qadiani) berkata: Nabi *sallā Allāh ‘alayhi wa sallam* ada mempunyai dua nama – Muhammad dan Ahmad. Muhammad itu satu nama yang mengundang rahsia, bahawa beliau akan melawan dengan kekuatan senjata akan musuh yang membunuh sahabat-sahabat beliau.

“Akan tapi adalah nama Ahmad itu mengandung rahsia,



Mirza Ghulam Ahmad, yang mengaku menjadi Nabi dan anak Tuhan. Inilah dia gambar “nabi” kaum Ahmadiyyah Qadiyani.

bahawa beliau akan membawa damai ke muka bumi ini.”

Demikianlah kata mereka di dalam bukunya “*Iżhār al-Haqq*” yang diterbitkan di Padang.

Sesudah matinya Ghulam Ahmad, maka pergerakannya berpecah kepada dua bahagian: satu Ahmadiyyah Qadiyaniyyah dan yang satu lagi Ahmadiyyah Lahoriyyah.

Pengakuan Ghulam Ahmad:

Mirza Ghulam Ahmad itu mengaku dirinya 1) *Mujaddid*, 2) *Muḥaddith*, 3) dapat wahyu, 4) dapat ilham, 5) Mahdi yang bakal datang, 6) Nabi ‘Isā yang dikatakan turun, 7) Nabi, 8) Rasul, 9) Krishna, 10) Mūsā, 11) Ibrāhīm dan lain-lain pengakuan lagi.

Tujuan Gerakan Ahmadiyyah:

Mereka berkata bahawa ‘Isā ibn Maryam sudah mati jadi ‘Isā yang dijanjikan akan turun bagi membunuh

Sambungannya pada muka 34

Abu al-Mokhtar

Sambungan dari muka 9

dajal itu ialah Mirza itu dan yang mereka katakan dajal itu ialah Paderi Kristian.

Ringkasnya, kata mereka, pergerakan Ahmadiyyah bagi menyiarkan Islam dan bagi menghancurkan agama Kristian. Ini dikatakan mereka dengan lisan dan tulisan. Tetapi bagi orang-orang yang pernah membaca kitab-kitab mereka dalam bahasa Inggeris, Arab dan Urdu, akan dapat tahu bahawa maksud pergerakan itu tidak lain daripada mengajak orang-orang Islam supaya taat dan tunduk serta tidak menentang atau melawan kepada raja-raja Naṣārā yang memerintah kaum Islam, terutamanya kerajaan British.

Untuk pengetahuan pembaca-pembaca maka dibawah ini kita kutip beberapa perkataan yang ditulis oleh Mirza Ghulam Ahmad sendiri di dalam beberapa kitabnya. Kita hanya mengambil terjemahan Melayunya sahaja. Jika perlu kelak pada suatu masa kita akan sertakan perkataan Arabnya. Di mana tertulis perkara itu kita sebut di bawah tiap-tiap bahagian itu.

Iktikadnya tentang Nabi-nabi:

1. Sesungguhnya Allah itu mempunyai (batas) panjang dan lebar, dan mempunyai kaki dan tangan yang tidak terhingga banyaknya.
2. Dan juga ia ada mempunyai urat-urat seperti dawai telegraf terbentang pada tiap-tiap penjuru.
3. Sesungguhnya, sesudah Allah buang dinding (pagar) antara aku dengan-Nya, adalah ia berguru denganku beberapa kali.

(semuanya dari kitabnya, *Tawdīh al-Marām*)

4. Aku lihat dalam mimpi, bahawa aku ini Tuhan. Aku yakin aku ini sebenarnya Allah. Pada waktu itu terlintas pada hatiku hendak menyempurnakan dunia dan mengatur dia dengan aturan baru, iaitu aku hendak jadikan langit dan bumi dengan peredaran baru.

(*al-Islām*)

5. Sesungguhnya Allah besertamu, sesungguhnya Allah berdiri di mana engkau berdiri
(Damīmat Anjām Atham, 17)
6. Allah memujimu dari arasy-Nya dan Ia berjalan kepadamu.
(Anjām Atham)
7. Allah Ta‘āla turun di Qadian.
(Anjām Atham)
8. Sesungguhnya akulah petir. Ini satu nama baharu bagi Allah.
(Anjām Atham)
9. Hai Ahmad: sempurna namamu, dan tidak sempurna namaku.
(Anjām Atham)
10. Aku pilih kamu untuk diriku. Bumi dan langit bersamamu, sebagaimana keduanya itu bersama aku. Rahsiamu itu rahsiaku. Engkau pada pandanganku sedarjat dengan *tawhīd* aku dan *tafrīd*ku.
(Anjām Atham)

Iktikadnya tentang Nabi-nabi:

1. Tidak pernah terbit daripadanya (Nabi Muhammad) walaupun satu mukjizat, apalagi lebih.
2. (Nabi Muhammad) tidak diberi ilmu yang sempurna tentang hakikat Nabi ‘Isā anak Maryam dan hakikat Dajjāl dan Ya‘jūj, Ma‘jūj dan hakikat Dābbah al-Ard (binatang bumi) tetapi diberi ilmu yang kurang tentang itu atas jalan tamsil dan jumlah.

Iktikadnya tentang hadis-hadis Nabi:

1. Hadis yang menyalahi ilhamku, patut kita buang bersama-sama kertas kotor pada bakul sampah.
2. Sesungguhnya Allah telah beri kepada aku kekuasaan yang cukup bagi menerima hadis-hadis yang setuju dengan ilhamku dan menolak hadis-hadis yang menyalahi fikiranku.

Iktikadnya mengenai al-Qur'an:

1. Sesungguhnya Qur'an itu pernah diangkat ke langit, tetapi aku bawa balik dari langit ke bumi.
2. Qur'an itu perkataan Allah dan perkataan lidahku.

Iktikadnya tentang malaikat:

1. Malaikat dan *Malik al-Mawt* tidak sekali-kali turun ke bumi

2. Malaikat itu tidak lain melainkan nama bagi panasnya roh.
4. Demi namaku! Sesungguhnya kaum (Inggeris) ini

penyayang dan pemurah)

ialah satu kaum yang dikirim oleh Allah untuk dan buat kebaikan kita.

5. Dan wajib kita menerima kasih kepada mereka itu dengan hati dan lidah.

Inilah sebahagian daripada iktikad-iktikad Mirza Ghulam Ahmad

nabi orang-orang Qadiani itu. Sesungguhnya banyak lagi.

Dengan ini dapat saudara membezakan sendiri betapa bezanya dengan Muhammadiyyah.

Inilah sebahagian daripada iktikad- iktikad Mirza Ghulam Ahmad

berpegang kepada dasar-dasar al-Qur'ān dan al-Sunnah tetapi Ahmadiyyah terang kekufurannya bahkan jika diterangkan lagi dolak-daliknya dan pendustanya maka teranglah dengan nyatanya bahawa mereka adalah golongan di luar daripada Islam yang dilaknat Tuhan kerana dustanya.

Lain-lain perkara:

1. Sesudah zahirku, berpindahlah tempat (ibadat) haji ke Qadiani.
2. Orang yang tidak beriman kepadaku semuanya kafir *ahl jahannam*.

Doa Mirza Ghulam Ahmad:

1. Ketahuilah hai saudara-saudara! Sesungguhnya kita telah terselamat daripada tangan orang-orang zalim, di bawah naungan kerajaan Raja perempuan itu (Raja perempuan yang dimaksudkan Queen Victoria).
2. Hai Tuhan! Berkatkanlah kami dengan adanya kemurahannya (Raja perempuan itu).
3. Sekalian puji-pujian adalah bagi Allah yang telah menukar ketakutan kita dengan keamanan dan telah mengurniakan bagi kita Raja Perempuan (Raja Inggeris, yang


Siri sejarah hidup Nabi Muḥammad

Şallā Allāh ‘alayhi wa ălihi wa sallam

Disusun oleh

Edrus

Buku ini disusun dipersesuaikan dengan sukanan pelajaran sejarah Islam untuk pelajaran agama di sekolah kebangsaan di Persekutuan Tanah Melayu. Berpenggal-penggal: 1. Hāshīm bin ‘Abd Manāf, 2. ‘Abd al-Muṭtalib, Nenda Nabi, 3. ‘Abd Allāh dan Āminah – Ayah Bonda Nabi, 4. Hari diperanakkkan, 5. Halimah al-Sa‘diyyah, 6. Yatim piatu, 7. Berkahwin dengan Sītī Khadījah, 8. Menerima wahyu.



Buku ini mengandungi 24 buah. Sambungannya akan segera diterbitkan oleh Qalam Singapura. Harganya 30 sen senaskhah. Belanja mengirim 10 sen.